

Verum admodum raro ksanka usurpant participia verborum qualificativorum tamquam adiectiva nomina vel adverbia. Etenim vel ipsa verba qualificativa verbaliter usurpant, vel ea componunt cum nominibus, vel cum aliis verbis. Sic loco dicendi e. g. *kyunaka, unupgani, multos vidi, vel plures vidi*, dicunt: *yunakani kuupga, plures sunt quos vidi, vel plures est quod vidi*. Pariter loco dicendi *kisuk titkat, bonus vir*; dicunt *ksukwil-tit-kat, qui est bonus vir* ex verbo composito *sukwiltitkatini, est bonus vir*. Similiter loco dicendi *kisuk utsganatkagamik*, dicunt *usukwil-tsganatkagamik, bene confessus sum*. Pariter loco dicendi *k'komnakaka amak, misera terra*, dicunt *k'komnaka-liit*, quod vocabulum est participium verbi *komnakaliitni, est misera terra*. Particula *liit* in compositione idem significat ac nomen *amak, terra, locus, regio, plaga*.

Verba qualificativa, substantivaliter usurpari possunt, et sub hac acceptione vertuntur latine per nomen adiectivum neutrius generis: e. g. *sukni, bonum est; sahani, malum est*. Participia autem horum verborum habent vim nominis substantivi: *kisuk, bonum; ksaan, malum; kyunaka, multum*.

Quamvis fere omnia nomina adiectiva ex verbis qualificativis deriventur, sunt tamen quaedam adiectiva nomina, atque simul adverbia, quae primitiva dici possunt, id est a verbo non derivari. Eiusmodi sunt

usmik,	<i>primus,</i>	<i>praecipuus,</i>	<i>primo,</i>	<i>praecipue;</i>
unik,	<i>ultimus,</i>	<i>infimus,</i>	<i>postremo,</i>	
wupnik,	<i>optimus,</i>	<i>optime,</i>	(dicitur praecipue de vestimentis)	
pikaknik,	<i>mediocris,</i>	<i>mediocriter,</i>		
upak,	<i>primus,</i>	(in ordine successionis)		
lnahak,	<i>ultimus,</i>	<i>postremo,</i>		
akatak,	<i>proximus,</i>	<i>prope,</i>		
lkahak,	<i>longinquus,</i>	<i>longe, procul.</i>		

DE COMPARATIVIS ET SUPERLATIVIS.

In lingua ksanka nulla est forma propria nominis comparativi vel superlativi. Verum est modus quidam loquendi, quo ksanka significant excessum vel eminentiam, secundum quam